

essent, sese offerent, uerum dum tendinibus, quos ligamenta continent, mentem accommo-  
dabis, ac seorsum unumquodque, ut in interna digitorum sede præcepimus, administraueris, ut  
minimum sex numero occurrent, quæ antequam musculos separe, diuidere possis, nisi prius  
in cubito cuiusque musculi tendinem separare statueris. At commodius erit aut simul omnia an-  
te musculos, aut priuatim unumquodque saltem ante suum musculum aggredi. Primus autem esse

*Tertij brachi-  
ale mouentium.*

*Decimo octa-  
ui & 17 digi-  
tos mouentium  
administratio.*

*Decimoni  
administratio.*

*21, 22 digitos  
mouentium, et  
dein eius qui in  
illorum descri-  
ptione 23 nu-  
meratur.*

*Quartij bra-  
chiale mouen-  
tium.  
Radium mo-  
uentium admi-  
nistratio.*

*Quatuor mu-  
sculorum qua-  
tuor digitos  
pollicis adduc-  
tium, & alio-  
rum extremam  
manu occupan-  
tium.*


*Ligamento-  
rum reliquorum  
administratio.*

potest, qui postbrachiali ante paruum digitum insertus id extendit, cuius tendo ex suo sinu  
eleuabitur, & deinde acuto cultello, aut nouacula totus musculus ab ulna liberabitur accuratè  
interim ab illo, qui superiori ipsius lateri committitur, qui parui digiti extensioni potissimum  
famulatur, diuisus. Vbi itaque huius caput ab externo humeri tuberculo dissectueris, illud postmo-  
dum à postbrachiali liberabis, nisi appensum ipsi asseruare lubeat, quo tandè brachiale exten-  
dentium & flectentium musculorum munus conspicari ualeas. Post hunc is ex sinu attolletur,  
qui minimos digitos à cæteris deberet abducere, cuius tendines, aut tendo potius ad digitos  
ducendus non est, nisi ab externo humeri tuberculo is, cum subsequenti iam in enarratione mu-  
sculo (qui digitos mouentium decimus septimus numerabatur) liberatus fuerit. Illum autem di-  
ligenter ex suo, quem nos ipsi tribuimus, sinu attolles, atque ab illis, qui superiori ipsius lateri  
exporriguntur, diuisum, ab humero quoque rescabis, nunc sedulo animaduertens, num in  
tres, aut quatuor ducatur tendines, & quibusnam digitis illi inserantur, quæque ipsorum ad digi-  
torum radices sit commixtio. Idem in illo, qui paruum digitum præcipue extendit, molieris, neutrum  
ab ipsis digitis absicans, nisi & modò subsequenter ad insertionem usque deduxeris. Occur-  
rent enim nunc tria illa, quæ ulna producit principia, quorum inferius, & brachiali propin-  
quius obseruandū uenit, à quo musculus pronascitur, qui indicem & medium à pollice abdu-  
cit. Huius itaque principij portionem, quæ illum musculum constituit, ab ulna diuides, atque ex  
suo peculiari sinu eleuatum, & sensim à brachiali & postbrachiali, quibus fibroso nexu hæret,  
liberatum, ad digitos usque deduces, ad amissum nunc trium illorum musculorum tendines,  
& insertionem perpendens, quam multò accuratius intueberis, quam ego illam (quum uaria  
sit) describere possim. Cæterum illis à digitorum internodijs ad unguem usque radicem resectis,  
qui pollicem evertit, aggredieris, ab ulna itaque, reliqua tertij principij parte resecta, musculus  
pollicem uersus indicem evertens, ad ipsius insertionem ducetur, similiter secundi principij mu-  
sculi, qui bicornem transcendent tendinem, ad pollicem & brachiale usque auellentur, atque  
una cum reliquis à digitis reiciuntur. Qui bicorni tendine brachiale extendit, modò prius  
est conspicuus, nisi quod nonnihil sub musculo longiori radium mouentium occultatur. hic  
itaque suo exortu liberatus, ad postbrachiale ducetur, & ipsius examinata functione, etiam cum  
cæteris abijci poterit. Superfunt adhuc in externa cubiti sede, duo radium in supinum agētes,  
qui citra sectionem etiam, ut & interiores radij duces, sunt conspicui, longissimi tantum ca-  
pite excepto, quod penitus nonnihil inter posteriorem cubitum flectentium musculum, & ex-  
tendentium exteriorem latitat, non tamen adeò impensè, ut non liceat ipsius capite ab hume-  
ro resecto, illum ad insertionem usque cum reliquis radium mouentibus musculis perducere.  
Si itaque nunc ligamentum in cubiti longitudine inter ossa positum animaduertis, extremas  
manus musculos ordine aggredi tempestiuum fuerit, ex quibus quatuor statim graciles eua-  
dunt conspicui, quos Natura tendinibus tertium digitorum os flectentibus exporrexit. Dein  
ceps ille liberatur, qui pollicem ab indice maximè remouet, mox duo primum pollicis inter-  
nodium flectentes. Deinde tres secundum pollicis os flectentes, quos eo diligentius obserua-  
re oportet, quo magis antehac dissectionis Professoribus incogniti fuerint. Hos subsequetur,  
qui pollicem indici proximè accommodat, dein qui paruum ualidissime abducit, ut tantum  
octo adhuc sint reliqui, quorum ope prima quatuor digitorum internodia flectimus. Iam digi-  
torum articulos diuides, ligamenti & articuli speciem obseruas, & attentissime perpendens, of-  
ficularum usum, quæ à sesami seminis similitudine nomen mutuatur. Reperies enim in interiori  
secundi pollicis articuli regione, duo reliquis in manu insigniora, in hoc ibidè fabricata, ut quum  
in articulatione illum articulum Natura fieri uoluerit, is tamen firmitus esset, & ad flexionem in  
acutissimum angulum pertinax, & obliquorum etiam motuum obscurissime particeps. Deinde  
tanto minora eius classis ossa in primis reliquorum internodijs uidebis, quanto in acutum ma-  
gis hos articulos Natura flecti uoluit, & ipsos obliquioribus motibus, quam secundum polli-  
cis internodium, donare uisum fuit. Insuper primum pollicis articulum diuides, eiusmodi ossi-  
bus destitutum, & laxum admodum. Idem quoque in postbrachialis & brachialis ossibus expe-  
rieris, at longè diligentissime brachialis ad cubitum articulo animum accommodabis, quod hic  
cartilago examinanda ueniat, ulnam à brachiali dirimens. Quinetiam perpende, obsecro, sty-  
lum imitantem processum non procerius extra sinum, quo brachiale excipitur, prominere, quam  
radij

radij appendicis mucronem. Dein expendito, parem ligamenti huius articuli in utroque  
latere formam esse, ut una mecum omnibus quoque similem usum ascribas, ne quum Natu-  
ram celebrare instituis, illi inartificioissimam constructionem, cum Galeno imponas. Reie-  
cta nunc summa manu, priorem cubitum flectentium musculum suis principijs liberato,  
quorum exterius ex suo sinu eleuandum est, & ligamento articuli humeri ipsum continente  
recta sectione dissecto, id à scapulæ collo adimeretur. interius ualido quoque cultello ab inte-  
riori scapulæ processu diuidetur, & utroque principio deorsum reflexo, huius musculi carno-  
sa insertio in os humeri animaduertetur: qua dissecta ad radium usque, sola manu à subdi-  
to musculo iste prior auelletur. Vbi uero huius insertionem intuitus fueris, is appensus  
seruabitur, & posterior ab humero densus ad ipsius quoque insertionem ducetur. Po-  
steriores eadem ratione aggredieris, primum illum qui ab humeri ceruice pronascitur li-  
berans, ac dein illo cui scapula initium præbet, ut postmodum hoc deorsum tracto, secun-  
dum animaduertas ipsi innatum, ac sub illo ab humero prodeuntem. Quod tum demum ex  
sententia feceris opportunissime, ubi hos in cane aut simia prius spectaueris. Quando ita-  
que hi ad insertionem producti sunt, neque ullam fibrarum insertionem animaduertis, cu-  
biti articulum subinde flectito & reflectito, examinaturus num uel tantillum quidem extra re-  
ctam tramitem dimoueri queat. quod quum in articulo solis ligamenti hærenti, & iam pro-  
pmodum luxato, obseruas, quid fieri in nobis arbitrare, articulo tot musculis adhuc uesti-  
to: Ut tamen hæc omnia exactius rimeris, ossa inuicem seiungenda sunt, non solum humeri  
cum ulna articuli gratia, uerum & radij cum humero, & radij rursus cum ulna. Præter hoc e-  
nim quod nihil utilius sese inspicendum in tota resectione luxationum gratia offert, ita pro-  
fecto eiusmodi articularum inspectione, nulla in uniuersa Anatome mihi iucundior specu-  
latio occurrit.

DE MUSCULIS PENI PECULIARI-  
bus. Caput XLIX.

QVADRAGESIMI NONI CAPI-  
TIS TABULA.



QVADRA